



Broj: 05-50-1-1212/14
Sarajevo, 10.9.2014. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 107. sjednici održanoj 10.9.2014. godine, utvrdilo je Odgovor na zastupničku inicijativu koju je uputio Saša Bursać, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-07-1-1212/14
Sarajevo, 10.9.2014. godine

Saša Bursać, poslanik u Predstavničkom domu Parlamentarne skupštine Bosne i Hercegovine, na 62. sjednici ovog doma održanoj 23.01.2014. godine, uputio je sljedeću poslaničku inicijativu:

„Predlažem da Parlamentarna skupština BiH uvrsti u dnevni red naredne sjednice tačku dnevnog reda koja bi glasila – Odluka o obavezi Državne komisije za integrisano upravljanje granicom BiH da svakih šest mjeseci napravi izvještaj o stanju na svim graničnim prelazima, sa osvrtom na svaki prelaz posebno. Koji je status svakog graničnog prelaza koji je bio aktivan prije ulaska Hrvatske u EU, šta je u planu sa svakim graničnim prelazom, kako se odvija prelaz roba i građana na svakom graničnom prelazu, koji su ostali problemi sa graničnim prelazima?“

Na postavljeno pitanje, Vijeće ministara Bosne i Hercegovine je na ~~407~~ 107. sjednici održanoj 10.9.2014. godine, utvrdilo sljedeći

ODGOVOR

Vijeće ministara BiH je na 55. sjednici održanoj 10.07.2008. godine donijelo Odluku o osnivanju Državne komisije za integrisano upravljanje granicom BiH ("Službeni glasnik BiH", br. 73/08, 98/09, 30/11, 50/11, 28/12 i 2/13).

Članom 2. navedene Odluke jasno je propisano da je Komisija nadležna za izvršavanje sljedećih zadataka:

1. Pripremu i provođenje sporazuma o graničnim prelazima i sporazuma o pograničnom saobraćaju sa susjednim zemljama, te zakona i drugih podzakonskih akata vezanih za granicu;
2. Utvrđivanje prijedloga za otvaranje, kategorizaciju i prekategorizaciju graničnih prelaza, zatvaranje graničnih prelaza i realizaciju drugih pitanja u vezi sa graničnim prelazima;
3. Nadzor nad provođenjem Strategije i Akcionog plana integrisanog upravljanja granicom;
4. Davanje mišljenja ili prijedloga Vijeću ministara BiH na zahtjev ili prema potrebi, a u vezi sa graničnim prelazima i procedurama;
5. Saradnju sa relevantnim međunarodnim institucijama u BiH kao i relevantnim tijelima u drugim zemljama u regiji;
6. Razmatranje i rješavanje drugih pitanja od važnosti za integrisano upravljanje granicom i graničnim prelazima u BiH.

Dalje, članom 7. Odluke propisano je da je Komisija za svoj rad direktno odgovorna Vijeću ministara BiH, o čemu je dužna podnositi izvještaje o radu svakih šest mjeseci.

Kroz svoj dosadašnji rad, svi članovi Komisije su svoj posao radili maksimalno profesionalno, stručno i korektno za šta su imali podršku Vijeća ministara BiH, kako kroz usvajanje redovnih izvještaja o radu, tako i kroz usvajanje informacija i zapisnika sa svih važnijih bilateralnih i trilateralnih sastanaka. To se posebno odnosi na tok vođenja pregovora sa Republikom Hrvatskom, kada su kroz dugotrajno i iscrpljujuće vođenje pregovora, sa vrlo nepovoljnim početnim dokumentima Ugovora i Sporazuma koje su dobili od hrvatske strane, uspjeli da u tekst ugovora ugrade, u tom trenutku i takvim okolnostima, najpovoljnija rješenja za BiH.

U vezi sa naprijed navedenim, Državna komisija za integrisano upravljanje granicom BiH će i dalje raditi na realizaciji svih obaveza i zadataka, u skladu sa propisanim nadležnostima.